

如臯縣續志卷八

列傳一 孝友 忠烈 文苑

天壤菁英惟忠孝與節義標準式於人倫根秉彝之深粹潛德幽光瞻奇仰異續列傳

孝友

葛魁元字葵原國學生少孤事母孝承顏悅志數十年如一日先世墓自宋失考祈夢呂仙祠仙示以問諸水濱而已六字後見舊譜知在潤州郭公墓側乃買棹艤山麓四顧蒼茫不知所在魁元焚香默禱誓不空回恍惚間波浪頓豁現示兩墓在叢葦中去郭公墓約三十丈歸圖諸譜兄明元早故嫂洪氏守志代爲請

如臯縣續志

卷八

孝女傳

一

旌邑人創建繼善堂竭力襄辦他若修城濬濠賑飢恤嫠皆倡捐助焉道光二十五年

旌

叢能字簡齋國學生居叢家壩六歲失恃繼母朱撫之成立時祖母九旬患風疾隨父日侍左右祖母思梨覓百里外得之父教嚴趨庭無稍怠父每遠歸風雨黃昏數里相迎父患膈疾躬親湯藥衣不解帶者數月疾篤顛天減算以益親壽事後母五十餘年依依孺慕孝養備至嘗曰吾幼不得事母遂母後母然吾知爲母不知爲後母也比後母歿年八十能年六十一矣以不得終事母爲恨易戚中禮鄰里動容生平好矜恤嚴取與年七

十四卒里人臚其事呈請

旌表子二蔭晨蔭恩

張咸臨張廷育遺腹子母閻氏年二十一撫之成立咸臨天性純孝幼侍重慈得歡心祖母朱寢疾衣不解帶者累月及卒毀幾滅性母諭之稍進勺飲母歿哀號目流血見者無不歔歔葬畢卽爲母請

旌建坊逢家忌啜泣竟日年八十二卒里人呈請

旌表子重光瑤光監生嵐光庠生

薛雲松居薛家莊性孝友事親不辭勞瘁家雖貧供甘旨無缺生事葬祭一以誠敬親歿廬墓歲時致饗泣下沾襟天資英敏不欲進取違色養援例入成均壽九十四

如臯縣續志

卷八

孝女傳

一一

里人呈請

旌表建坊縣城范家橋北子岑捐職都司金華定山武生胡聯慶字廣廷甲子副貢希曾孫也幼穎敏讀書香山侍御城南書塾天性孝友風裁峻整咸豐初元特開辛亥制科舉孝廉方正

廷試第二特用州同分發浙江旋署甯波水利通判省城遭兵燹聯慶襄辦軍務以軍功加同知署理餘杭知縣罷官歸旋卒邑人宗金樹哭以詩曰七旬鶴嘯人長往萬丈龍遊濬未成夾袋尙多時務稟題旌空署宰官名出山未獲材猷展孤立難邀附和聲生死異途同灑淚果然命薄是書生

吳鍾瑞字體泉幼具至性大父錦慶衰齡寢疾瑞佐父侍養父甚愛之瑞日修子職父嗜魚瑞剖魚河干魚忽逝方錯愕間前魚忽揚鬣來取以進父抱沈疴瑞侍養盡力及卒哀毀幾滅性奉母益謹母無疾卒廬墓閱月朝夕上食如生時壽六十七

周佩華字幼蘭幼聰慧能讀父書早歲遊庠食餼邑有善舉無不竭力襄贊尤孝友得親歡心有欲公舉孝行者力辭嘗刻四言孝經及父所著忠孝節義初心集父歿廬墓卽施其宅爲豐備倉捐穀備荒孝子仁人洵無憾云

程曾源字星溪增廣生事父以孝聞父省試卒於道曾源

如臯縣續志

卷八

孝女傳

三

慟父之死謹誌時日於書帙以自怵嘗飲親舊家醉衄血母曹戒之遂終身不飲屢試不得志以所學授後進成就甚眾悉自拔於俗可謂以身教者也年七十九卒孫幼門人經紀其喪垂涕執紼者數十人

嚴瑛字漢光性至孝四歲失恃稍長思母哀慟幾至失明事父先意承志朝夕無違及卒擗踊哀號水漿不入口數日體素羸至是欒欒骨立矣生平和厚恤貧乏釋紛爭人咸目爲長者子炳孫清暉俱庠生

嚴爾康字莠堂文學捷子性至孝守身養志一慎庭訓母李病痺痿康躬自扶持置一榻母卧內衣不解帶者三年親歿垂四十載每逢忌日再拜奠醊未嘗不聲淚俱

下也少多病棄舉業爲貲郎日取子史流覽自怡間錄其懿行粹言有益身心者日久成帙其與人平恕而律已甚嚴嘗曰吾生平不知講學惟讀書於誠敬二字差有得耳鄉人謂有古君子風年八十一卒子景華咸豐己未舉人孫桂芬廩生

姜紹祖字建臯歲貢生性孝友父慶曾病潛割股和藥進先是其祖遠宦蜀旣沒柩停蕭寺中久貧不能致慶曾哀號徒步數千里求得之負父骨歸婦朱夢翁語曰吾偕篤其歸矣篤其者曾字也嗣母顧年十九守節慶曾復臚母節行請

旌建坊姜氏以孝世其家紹祖尤善承父志生平好讀書耄

如臯縣續志

卷八

孝女傳

四

而不倦湛深經術教諸弟遊庠問字車有至自數百里者借遇齋以明經終子鯤庠生

葛箴字懷白諸生少失怙兄弟三人共事母箴館穀獨豐遂奉母於家兄弟來請母曰此間樂若毋僕僕也母歿箴獨力大事兄弟有緩急箴恆仗助之久之家益貧棄所居廬墓鄉人有忿爭箴力爲解釋顧非其分內不往也年七十六卒子春城諸生

黃芾棠字曉峯性純篤好讀書承大宗祧以孝聞與弟繼香相友善嘗患癰繼香奉湯藥兩月芾棠慟甚顧弟在則稍解天性怡怡人莫之喻也繼香好施與然家無宿春芾棠周之且助之施繼香歿卹之益厚授姪元文讀

成進士繼香篤內行孝友如其兄族有訟者倚以決兩
公無少假借遺以金郤之卒賴以和生平重然諾慎交
遊睦族敦親與物無忤人皆以爲難兩公特餘事也繼
香字馨傳子藻文爲芾棠後元文官戶部次女適楊氏
尤孝繼香有日疾女舐焉一門濟美類誌之

許春城字村岑庠生幼穎異十歲失恃擗踊哀號如成人
水漿不入口者累日諸兄相繼逝家業日替事父能先
意承志敬禮孀嫂教養孤姪歷數十年不怠子三鳳煇
兆文俱遊庠榮澤入成均

呂春陽字熙伯幼失怙事節母蘇氏孝母病諸藥罔效春
陽焚香告天刲股以進得瘥踰二十餘年無疾終春陽

如臯縣續志

卷八

孝女傳

五

喪禮盡備內外稱焉

宋殿奎字文協國學生年十六父病刲股和藥以進旋愈
冒恆字并峰諸生幼失怙事母孝魏笛生觀察石葱佩刺
史折柬召之以侍養不就工岐黃每診治多所全活子
玉騏庠生

吳觀文候選布經事母孝母病刲股以進父早卒教弟觀
政友愛備至咸豐二年同人創立周濟所獨捐錢一千
一百貫大吏題奏

准給樂善好施四字建坊子淞湘俱庠生

冒西庚字馨池候選理問父普年七十庚建百歲橋於菱
環南以徵壽旣失恃事父益謹冬夜必身温衾焉置吳

家腰莊田輸祠以庇族自爲經理其租息歲施棺殮族中無力者族兄正宗妻吉恆豐妻沈兩苦節庚爲請旌建坊修萬卷樓葺水繪園建墓門六處子安恬文生

鄧傳元字築巖附貢生事嗣母以孝聞事本生父母亦能得歡心晚年澹於進取日涉經史著有綱鑑條議類編十六卷周易節註讀五卷弟肇元字善長父歿哀毀咯血隨兄傳元率諸弟事母孝養備至友愛之情老而彌篤客崇川時誤傳母病馳歸血疾復作彌留時猶欲彊起慰母氣脫而逝年四十九善篆籀著有禮雲印存傳元子耀庠生肇元子嘉言廩貢生

叢盛猷字允升讀書入太學性敦厚咸豐辛亥以孝行奉

如臯縣續志

卷八

孝女傳

六

敕給帑建坊從祀忠孝祠

石桓如字殿武少孤事母孝母臥病問寢視膳朝夕不懈母壽至九十七桓如亦年近七十矣其他施棺施藥歷年不怠年七十二卒

宗宏桂字馨吳居汧河奉親以愨教子以嚴祖父陳寢疾桂隨諸父侍湯藥澣巾滌脮悉身任之卒年六十七子來正歲貢生就職訓導

石起鸞字嘯樓文生孝子蘭之子性孝友有父風侍疾湯藥親嘗廁脮親滌父歿哀毀成禮與兄起鳳事孀母撫幼弟起鵬起鵠皆成立起鳳與起鵬歿復撫其遺孤家無長物惟恃館穀以繼布衣蔬食宴如也

江桐字子珊庠生甲子房薦母疾侍湯藥衣不解帶者逾月祝天願以身代工詩文年六十九卒

吳秉孝字思則家貧摘園蔬奉親得二人歡弟逝涕泣若斷手足子士元字虞廷孫政興字醴賓皆能和厚處鄉里曾孫虎文議敘理問

張萬年字金玉武生事親孝每嚴寒必溫其被然後退盤匜廁踰躬滌以進母年邁萬年時進甘旨有疾焚香祝天願以身代母年八十八終

忠烈

黃兆奎字星巖道光乙酉舉人已丑會試挑取謄錄議敘知縣部銓咸甯縣愛土恤民遇縣試遴選皆雋才邑以真儒循吏頌時粵匪滋擾軍書旁午兆奎措置有方尤得民歡心壬子人闖試竣委署宜城縣未之任粵匪過湖竄漢陽逼近武昌省垣戒嚴中丞常公委守中和門賊攻武昌兆奎身先士卒奮力抵禦戰守積數十日賊由地道入城陷或呼之去兆奎曰吾奉命守門過此一步便非死所屹立城上指賊忿罵遂及於難兄兆琛僕施二亦死之事聞

上諭從優議卹加知府銜給予世職子之馨承襲現任江南駐省

如臯縣續志

卷八

忠烈傳

八

提塘邑人顧汝玉作詩輓之云食君之祿忠君事讀書誰不知此義見到不難行到難要看匹夫臨時志咸豐壬子歲季冬越四日武昌崩士卒逃亡將帥一空有不畏死者矯矯黃公城破城破城下如火城上官坐如此武昌一座城罵賊可無人一箇門生需之僕夫趨之彼勸我而行者謂我不成丈夫兵在頸可殺不可辱矢在胸可殫不可逐有烈烈以死無默默以戮賊狗休走吾戴吾頭送於汝手生則爲完人死則爲厲鬼嗟嗟黃公疆文就武胡司衡方任而軍府是取嗟嗟黃公反竇爲主胡出宰咸甯之城而授命武昌之府避難而行豈日無名全軀而去豈日無故乃知古來忠孝節義事無奇

砥此一念精誠不可移長子殿矣事告變矣萬骨叢叢
爺屍不可見矣伯父庶母幼妹弱弟都尋遍矣 聖主
聞之嘉歎起有臣若此敕典禮崇其祀官其子某年某
月某日某官死大書特書垂國史吁嗟乎慘莫慘於屍
裂烈莫烈於殉節悲莫悲於死別三十年姻亞情二十
年文字盟別君纔四載思君已隔生君之英兮君之靈
兮吾烏知爲河漢爲列星

黃純臣字誠齋南雄州知州錡子少隨兄鍾岳官山東個
儻有大志咸豐十年賊竄浙純臣以鹽大使捧檄至見
事勢艱虞貽書與家人訣旋奉委守慶春門城陷呼其
僕王壽曰事急矣我死分也爾速去壽涕泣不忍行賊

如臯縣續志

卷八

忠烈傳

九

大至斫之枕藉死城下賊退同鄉張兆熙於亂軍中尋
得其屍面如生蓋已二十三日矣因得歸葬浙撫上其
事得世職並卹銀壽亦與焉子炳墀承襲

章葆穎以未入流分發山東檄駐曹縣劉家口巡防有膽
略能任勞苦嘗冬夜巡行黃河岸上霜白滿馬馬頷下
懸冰數寸從者皆瑟縮退去葆穎不以爲苦也數月宵
小斂迹民賴以安旣而賊由歸德竄曹境執葆穎葆穎
不屈忿罵賊怒斫之僕郭升救主亦死之以其屍投濁
浪中大吏奏請議卹得卹蔭如例

程文俊字蓮舫附貢生捐職訓導讀書有大志以古人自
期許及涖六合任合邑經溫李二公固守數年威名大

震後殉節死李固前臯令也文俊慕公忠義益自奮常以不得從公殲賊爲恨咸豐十年張帥調赴金陵帶勇防剿大營潰賊至死之總督李奏請議卹得世職子興元承襲

沈裕申字京生浙江通判加鹽提舉銜署嘉興府通判事竣入省賊竄浙委守清泰門城陷率兵巷戰力竭死之妾閔氏費氏亦死之婢僕從死者二人大吏奏聞蒙賜卹銀加贈道銜予世職本籍建立專祠嗣子逢昌承襲冒芬字伯蘭幼有大志喜讀書尤精熟資治通鑑初仕廣東巡檢受知中丞朱文恪公桂楨適猛匪趙金龍起事文恪薦芬於盧厚山制府襄贊軍事事平奉

如臯縣續志

卷八

忠烈傳

十

旨賞戴藍翎補五斗口司巡檢捕獲盜魁秀民畏之大雨西江水漲壞隄堰芬倡千金賑飢築金釵圍捍水患梁侍御紹獻撰記紀其事積功陞知縣補開平開平界新會鶴山間萑苻充斥芬捕治之尤留心訟獄嘗謂循吏在不擾民而不擾民當自慎獄始清釐積案民咸悅服去之日欲爲建生祠於長沙之原芬不可因改爲步鹿書院旋攝高要署乳源其得民一如在開平時未幾粵匪倡亂仁化樂昌兩縣不守賊分股攻乳源芬募敢死士三百以胡佳張延壽分領之扼河爲守張延壽然大礮斃賊胡佳薄陣後夾擊之賊潰賊黨吳煥中復結羅坑山賊圖復逞爲邏者所獲悉吐其謀芬馳往捕其黨黃滿等

十三名回經曲江寺猝與羅坑賊遇部衆驚潰芬率親
兵百餘人與賊戰或勸爲權宜計芬曰吾受
國厚恩恨不能掃除羣賊豈可棄要逆而退耶戰益力被創
猶手刃一賊乃爲遺書上制府極言流賊形勢蓋已知
有甲寅後之亂矣翌日遂卒年六十三事聞
詔賜祭葬入祀昭忠祠並於乳源建立專祠贈世職子五溶澄保
泰沅廷章俱登仕籍

萬長林西鄉太平莊農戶投効積功得藍翎把總荷戈執
殳勤勞王事追剿捻逆受傷死總督李奏請議卹奉
旨照三等軍功給長林子八品監生准補外委把總子盛麒幼先
請承蔭監生

如臯縣續志

卷八

忠烈傳

十一

何有智巡洋船舵民追擊海盜傷斃奏請得卹蔭子文生
承襲

章輝祖六品頂戴神木縣典史回逆連陷懷遠神木寶雞
輝祖死之夏問元浙江縣丞省城陷罵賊死二人並得
世職

按二人以卑官殺賊奮志死綏度亦非碌碌無所短長
者惜祇得其死節事他無聞焉然忠義之氣歷久不泯
忘身殉難已足千古
傳世固不在多也

文苑

劉金綸字雪江副貢生家居設教品高學邃時文風日靡
綸以清真爲主彈射文事利病洞中窾要經指授者無
不破壁飛去宋孝廉繩治胡度常連耀其高足弟子也
與物無忤而亦不妄交遊董理節孝祠恤嫠局數十年
操行峻潔後與陳烺同修縣志謹嚴有法不徇時俗士
論譴之子厚發庠生

石渠字芸亭諸生十歲喪母哀毀如成人事父錕竭力供
甘旨終身如一日能詩喜賓客後退居鄉村荒江老屋
中放歌自適亦騷壇之碩果也年九十五終著作甚富
已載范志子世準字心權弱冠以詩賦見賞於周石芳

如臯縣續志

卷八

文苑傳

十一

學使克承家學晚年與顧沚蘅孝廉勺甘咀芳陶咏文
酒效韓孟體聯句稱爲勁敵城北王孫行云城北有王
孫面鵠衣結鶉鬱鬱不得志城闕獨逡巡婦顏尙窈
母髮雪續紛呱呱幼在抱弱弟未成人一家五六口何
以足饗殮煢煢歲復歲數米與析薪有薪更有米數析
非真貧大難在來日看囊無半文婦子不足計弱弟亦
無論無菽空有水將焉活老親空庭飛落葉淒淒白日
昏拔劍裂雙眚挺身欲出門阿婦語阿姑莫測良人情
拔劍出門去毋爲幹不經阿母語阿兒出門何所營餓
死母甯樂爾毋卽匪民王孫前致詞慈訓敢不遵母餓
母甯樂餓母兒何能徘徊復徘徊相對各不言 母

就睡喚婦下中庭藏書無完部此劍本七星所值雖無
多在逢賞識真明晨汝出賣足以飽一春姊夫官巴蜀
吾請從此奔出門遇與否家書自頻頻淚從眼孔出話
自肺腑傾兩心如刀割欲哭仍吞聲巴蜀八千里妾聞
路不平夫君兩赤手何能萬里征王孫復語婦吾志不
可更莫作訪親行只當古從軍善我堂上老撫我懷中
嬰阿叔未成人諸念我同根遊子去故鄉浮雲薄太清
得計聚有日失所歸無晨嗚咽出門走回首淚縱橫北
風吹破衣落日斷人魂婦歸坐空房膊膊荒雞鳴阿姑
呼阿婦胡爲坐天明心慮兒有變佯問兒睡醒姑呼婦
連諾姑問婦不應阿姑起抖擻目不見兒形致詞婦真

如臯縣續志

卷八

文苑傳

十二

巧阿姑無勞神不應無他故乳兒防兒驚良人就故友
地近與邑鄰歸遲或一月速不及兼旬誑之以其方阿
母喜不勝含笑謂阿婦爾夫吾掌珍十五學文章十六
學刑名十七學劍術十八學俠行英姿固卓卓性天尤
振振才豐運偏蹇家計累飄零昨令出門去吾死目不
瞑兒在我心安兒出我心懂兒果念母老鄰邑謁良朋
半月至一月歸家歡仍承阿婦呼小叔援之以青萍煩
叔赴五都市歸薦椒馨捧劍上街去旋歸喜氣盈善價
十金餘白鏹光晶瑩期逝兒不至母心常怛怛經年兒
不至母病難支撐劍金久無贖空釜又生塵憶兒母病
死母死目果瞪於何謀殯葬伶仃婦一身東家貸一貫

鍼黹願爲紉西家貸五百澣濯願代勤送姑歸田去從
此將夫瞋王孫苦誰恤偃蹇難縷申踏雪足無履衝風
頭無巾跣跣度劍閣姊丈解組紉叩之無消息血淚染
衣頰歸與反無力行乎去無程范睢爲張祿赤足走三
秦三秦有族兄大府爲僚儻欲謁慚形穢彳亍傷惛惛
其緣自天假狹路遇城圍其兄驚相顧若非吾叔生十
五能文章十六通刑名十七精劍術十八慕俠行一困
何至此縱述不忍聽出門凡幾載至此非無因細數離
家日十度易蟋鷓一家五六口難卜亡與存其兄又雙
手五內爲紛縈相期在薄暮會兄於外城王孫欣然去
兄懷如轉輪茫然計安出日落來野坳王孫夷俟久相

如臯縣續志

卷八

文苑傳

十四

呼只一聲懷中出服佩袖底出巾紳前市買襪履後市
買帽纓翩翩佳公子原是舊王孫攜手進衙署大府意
欣欣問客何好能謙言一無成大府多下寮奉聘來府
丞鶴俸雖無多迎舟艤河澹阿兄送阿弟拜手皇華亭
主賓緣真合密邇同弟昆爲作室家計同幕相助并川
紉八十尺青錢一百緡遠道無便使胥魁探訪精臣里
有旅舍昨來少年英聞與君同姓有叔貴公卿王孫乘
輿訪致詞皆殷勤奉書拜稽首錢與紉俱呈煩君幾千
里遠寄到故園煩君面吾母道余離遭迍煩君語吾弟
努力干青雲煩君勵吾子詩書曉夜溫語畢重探囊餽
贖意肫肫東門爲祖餞分手氣軒軒低徊返郡齋獨坐

倚窗櫺計時到夏初此信達我肩阿母讀兒書知兒志
少伸阿婦讀夫書知夫列府廳阿弟讀兄書知兄比舊
榮阿兒年雖幼應亦善欲騰母食可甘旨母衣可絲繒
一家五六口再造乃兄恩同姓返故鄉車馬自喧喧昨
日婦短褐今晨繫紉裙昨日婦椎髻今晨釵不荆百緡
八十尺已有誰作證况值凶荒歲饑饉屢薦臻中產尙
難堪百錢米一升誰念王孫婦一家病莫興忽接遠來
信忙看目皆瞠上問母萬福下慰婦千辛阿婦讀未畢
悲慟填胸膺遊子今有方何從招母靈小叔大呼嫂吾
兄運已亨春初有銀信川紉縐細紋遠乘同姓寄同姓
素樸純吾家雖隔譜先世世交敦命兒往同姓同姓遽

如臯縣續志

卷八

文苑傳

十五

生憎爾父吾不識重任我豈厘爾書由爾造何能作據
憑兒歸白阿母阿母方抱癰無何呼小叔叔試往汝兄
往復數千里歸向同姓云言自秦中返親聽兄所申八
丈川繭紉百緡萬選青餽贈置行囊祖餞送行旌煩君
日致詞臨歧囑諄諄君毋偶相忘請君神細凝同姓發
令笑語與初相仍爾兄我不識重託我豈應爾兄有歸
日虛實歸自分叔歸語阿嫂阿嫂泣嚶嚶扶病謁同姓
同姓氣憑陵爾毋恃病婦爾叔已成丁喚僕呼里長拘
之赴公庭病婦氣自結旁觀爲不平簇擁同姓走聲罪
似鼓鳴或日鳴好官時廉泉夫子泣任之初或日立報神時李公毓昌新
封立報神威靈赫赫衆口方哄然征車來江濱車人促就道日短

不可停因念王孫婦凍餒非人形又念惡同姓人面無人心是時白日中似聞雷殷殷

石澧字雲江廩監生經明行修士也時皋邑稱經師者陳蓉江焯劉雪江金綸與澧爲三一時有三江之目澧高才邃學提倡宗風門下士成就去者百餘人顧數奇不偶以教授鄉里終士論惜之

陳焯字柳塘號蓉江 恩貢生學碩品端不詭於俗文思如風發泉湧每一藝出人輒歎服讀書之暇惟詩酒白娛無他好也子霖生震生俱入邑庠次雲生字子雨尤聰慧道光己亥登賢書其祖柏中前己亥北榜六十年先後濟美時論榮之孫樹穀字少白幼孤母吳守節撫

如臯縣續志

卷八

文苑傳

十六

之弱冠遊庠屬文不落恆蹊卓然有名家風惜屢躋棘闈年逾四十僅得食餼旋以廩貢卒樹穀子汝礪庠生

吳瑞清名康國以字行號學山邑庠生十歲能文十三歲應童子試家極貧旋丁父憂事母張以孝聞娶王氏以鍼黹佐甘旨生二子長開陽次開泰嘉慶十四年母卒王亦隨歿瑞清年方三十二終身不娶館於豐利之北鄉與親堂兄太學生康全善其子增貢生開駿亦授學焉時已無家歲時往依於途中拾得遺鏹並一質錢帖因思曰此人當除夕若非甚窘何至質錢訪其主歸之後其子成進士授滇南令隨之任不名一錢時以忠愛

二字爲教陞任思茅同知請

封奉政大夫陞安徽太平府時已回里加級

晉封中憲大夫適里中議立撫幼塾捐錢二百餘千玉成其

事年七十三卒於家

吳連茹字芸輝庚午科舉人品正學粹作文力追先輩爲
一時諸宿學冠館邑人朱兆蘭家子齊彥受業焉誨文
藝必兼德行每公車北上艱於資斧不以告人兆蘭微
窺之贈以金拒不受再三請方許暫貸其丰裁之峻類
如此

顧嵩壽字邦灣庠生性渾厚儉約自奉父瑩登壽榜兩次
隨親北上平生好善設節堂以恤孀嫠建總坊以闡幽

如臯縣續志

卷八

文苑傳

十七

潛年七十七卒諸子有聲巒序

冒兆鯨字晴石 恩貢生屢薦不售性風雅好遊覽每省
試渡江金焦北固樓霞諸勝探幽躡險留連忘返與徐
生菴沙菊潭輩詩歌唱和畫水繪園圖冊徵詩名流題
詠殆徧其自題云此地爭誇二百年地傳畢竟是人傳
幾間老屋非樓閣一派秋蟲當管絃今日公卿當問訊
昔時仙佛總因緣輞川圖內多詩趣敢向名流索錦聯
生平持已儉約與物無忤尤好獎予後進年七十七卒
徐珠字生菴性孝友少隨父觀政浙江運副任讀書西湖
洽聞彊記不屑事章句兼通易理星象諸書俱有論著
詩古歌行沈雄豪宕不名一家行草書鬱勃離奇生氣

遠出晚年歸臥霽峰園山亭水榭重加修葺與諸名流
觴咏無虛日暇則作擘窠書著述益富有畫雨樓稿草
堂集行世賈大夫祠詩云佳話流傳廟祀崇大夫遺蹟
此城東荒塍曉月如弓滿古戍桃花似馬紅一箭蛾眉
飛豔笑千秋嬌女睽明瞳雪消隴雉鳴春早遙聽原頭

獵獵風

宗探字味根歲貢生少遊吳蘭谷先生門品端學粹書法
精妙零縑斷楮人咸寶之子金枝字吟白庠生工詩能
文幕遊諸郡後官宣城有聲其寄友札云學趙忭之焚
香清夜事可告天效劉伶之荷鍤中途死便埋我可以
知其爲人矣常州王家相太史掌教書院贈以駢體及

如臯縣續志

卷八

文苑傳

十八

詩駢云味根三兄攜哲嗣過予於露香草堂秀骨靈襟
清眸皓齒楊德祖對楊梅之歲傳茂遠買歷日之年妙
解文章淹通經傳於時溽暑應節忽覺清風入懷旣慕
哲齡益珍異稟勉爲經庫須效書淫此時識面知爲交
代之神童他日通經必是過江之名士詩云衣薜餐松
大隱家名山靈秀茁蘭芽月儀製就驚前輩洞井詞工
從屬車天下文章歸阿士佛門福德種僧珈乘風破浪
尋常事好下經帷自燎麻少受知於邑尊沈西雛先生
沈洵升太守金枝依其幕府有送吟白歸里詩云終軍
對奇木賈生策治安西京兩少年大才何槩槩風流閬
寂幾千載復見精靈起東海如吾生者真其儔下筆縱

橫雜荒怪留侯狀貌如婦人魁梧奇偉無等倫元龍意
氣吞餘子磊砢英多已如此我時牽絲宰古鄖橐筆來
試揚班文青衫著不滿三尺蒼頭起特冠一軍我今債
廡居吳下幾度相依不忍捨青鳥營巢擇木棲秋風歸
妹愆期嫁男兒二十不得官飯糞百甕羞儒冠才人失
職負奇氣要乘長風走萬里聞我衝寒向北征亦願脂
車戒行李父憐母惜行不得別我言歸廣陵國北風蕭
蕭吹古愁縷縻不止涕泗流作詩送生生勿悲英絕領
袖非子誰穠氈莫作羊公鶴看爾青天刷羽時

姚鵬春字古鳳明經雋五子幼穎慧過目成誦年十九遊
庠旋食餼性嗜金石每赴試書帖必滿載而歸雖沒字

如臯縣續志

卷八

文苑傳

十九

碑亦購回以備參攷著有十三經管見三十卷金石跋
尾二十卷古逸詩彙十卷丙申貢入成均祁春浦學使
給經明行修額居白蒲鎮鎮本晉蒲濤縣地安帝分廣
陵郡爲五縣置山陽郡蒲濤其一素無紀載鵬春旁據
博採極數年之功成一鎮之志本鎮沈飴原總憲擊節
稱賞爲之序年七十八終子鸞增貢生孫榮慶國子監
典籍

顧暄字霽巖幼聰穎弱冠文名籍甚辛卯壬辰聯捷成進
士官禮部主事以父年逾九十告終養主講馬陵書院
馬鑾坡太史尹杏農侍御皆出其門父服闋赴部供職
龔季思尚書極相倚重奏攝儀制司印務兼司務廳行

歲終披閱學政咨文生員有緣事可矜恕者力白堂
官原之嘗曰士子苦志一衿忍以小過輕褫之乎年五
十卒於京邸著芸香書屋詩鈔子乃德候選縣丞次承
基孫輝祖繩祖俱庠生

顧鈞字沚蘅少有大志弱冠登賢書鍵關蕭寺刻苦自勵
與里中同志結社文名益噪遊京師公卿皆傾慕之後
任寶山教諭以疾卒於家鈞氣宇不凡目光如炬崛起
榛莽中奮志讀書望而知爲偉器性尤沖和少與同舍
生赴郡試生侮之以其受食器便溺焉僕驚告鈞鈞命
棄之河無他言人咸服其雅量

石崇鼎字書勳諸生博覽典籍過目不忘或抽架上書試

如臯縣續志

卷八

文苑傳

二十一

之悉朗誦無遺尤精熟通鑑紀事本末吳穀人祭酒主
講揚州屬書勳代和趙雲崧觀察岳祠銅爵七律四首
極爲稱賞性好潔案無纖塵終日焚香危坐問字之外
門無雜客

叢長青字際雲廩貢生明經盛鳴子三歲失恃事繼母如
所生父督課嚴謹守庭訓必待色霽而後安父歿

溪縣訓導板輿迎養後丁繼母憂青夫婦亦年登大耋
矣屆例重遊泮水宜春宇學使題巒宮碩望額表之子
培春附貢生

宋繩治字易菴長洲相國文恪公後高祖廣文益始居如
皋繩治性至孝弱冠能文遊庠後隨叔祖少司寇鎔北

上肄業成均旋聞母范疾慨然曰吾以功名羈都下其
如倚閭何遂回里教授有經師人師之目甲午登賢書
乙未考取覺羅教習甲辰大挑二等以教職用嗣父敏
正膺疾衣不解帶者百日父歿哀毀遂不起著有還讀
齋稿子桂林庠生

胡連耀字佛生幼警敏家貧好學未冠補諸生詩古文辭
清新俊逸冠絕一時人咸目爲翰苑才庚子中副車癸
卯登賢書甲辰聯捷授庶常乙巳散館改授吏部主事
保送東河學習是年丁外艱回籍服闋仍赴東河甫半
載又丁內艱其時福元修宮保

特旨簡放漕運總督兼管兩淮鹽務奏派連耀幫辦適周文忠公

如臯縣續志

卷八

文苑傳

二十一

奏請撥淮北引鹽十萬派員招販領運接濟皖北軍需
宮保因委督辦餉鹽乙卯差竣歸里卜居申家莊丙辰
歲歉率紳耆勸捐賑濟年四十五卒於家著有雪窗寒
碧詩詞各一卷北行至十四總云未愜江湖意觀潮到
海墘地平鹽作嶺桑少草成田舶冷三山雨村明萬竈
煙詩情移不得吾欲問成連浮生何所似井底笑鳴蛙
欲覓釣鼈客來乘貫月槎海雲無定色斥壤發奇花知
有金旂迓天吳拜水涯斥鹵居人少廷墩布似星日高
平野白潮退午風腥留客黃姑膾傾醪綠瓦瓶羲軒久
不作此意在滄溟落日歸途遠驅車過范隄遙檣上燈
火大蜃鬪虹蜺暑淺裘嫌薄沙乾面欲鰲還思金闕上

高枕聽天雞煮鹽曲云一總二總墩連隄團瓢覆地如
雞栖坎深置火懸巨鏃海泡萬沸吹玻瓈丁男汙血體
半裸昨日官衙報起火八口衣食一月儲漬灰輦薪敢
偷情犬車滿載牛馬牽人垣輕重憑裔權聞道岸銷引
頗滯一桶不值千銅錢揚州五月天中節富商大廈高
截臬湘簾斐几坐綠陰紈扇交揮猶苦熱可憐竈戶愁
薪米濃煙滿屋目盡眯日中暫曝快涼爽塗炭肌膚黑
如鬼去歲煎鹽樂有年妻笑簪花兒衣棉今歲煮鹽食
無粥妻瘦面顰兒夜哭富商連船私亦官窮黎肩販須
鞭扑吁嗟乎安得滄海變桑田萬竈曙色生炊煙秋收
禾稼堆滿屋夏畦雖病心歡然耕田鑿飲逢 盛世不

如臬縣續志

卷八

文苑傳

二十一

羨大賈多腰纏

馬捷三字庾南文生父中騷以孝行聞於

朝奉

旨旌表捷三家素貧獨力建坊不以有無黽勉兄弟平生秉
性剛直設教甚嚴遊其門者皆能有成孝廉石崇高其
函丈都講也壽七十七子如琳文生現壽七十四孫錦
繁廩貢生候銓訓導

婁皋字嘯亭十歲能屬文弱冠遊庠旋食餼同里湯敬亭
觀察宦越中聘爲書記握槩從戎久之不得志鄉關之
思時形歌詠其三衢郡齋詠懷云爆竹千門報歲終一
囊羞澀酒錢空幾曾裴度書酬絹誰是陳琳檄愈風獻

媚難謀司命醉爲文那送客途窮故園兒女團 處莫
望春歸北嚮鴻未幾卒皋英才敏識善書翰尤精詩賦
惜稿多散佚徐樹人中丞爲刻味腴堂詩集行世

沙增齡字菊潭博覽羣書弱冠遊庠旋食餼辛酉科拔萃

丁父憂補應

朝考以教職用齡益奮志舉業與沈孝廉岱沈文清公岐黃
中翰沅相切磋屢膺闡薦己卯額滿見遺遂不復提筆
入貢士籍選授青陽教諭主講蓉城書院課士有方解
組後杜門不出與諸生講學談經耄年不倦著有菊潭
詩鈔其辭王曉林中丞卓薦詩云無能甘守一甑寒受
寵若驚心未安愧乏長才圖報稱敢嗤外吏是麤官著

如臯縣續志

卷八

文苑傳

一十二

書妄作千秋想養福長留半點酸轉把芻蕘效封菲廉
能廉法不宜寬年八十四卒子長鴻鈞候選同知性冲
和好行善舉有隱德次秉鈞選用員外郎

石崇高字子山自幼鑽研文律勃窣理窟以制藝擅名道
光甲午登賢書赴公車後杜門謝客風雨青燈與古人
相晤對爲人恂恂粥粥嘗過村市絮袍葦笠里長誤犯
之不之校也後耳失聰遂不復出

葛春漣字漪亭道光己亥舉人癸丑大挑二等授高郵州
學正幼有大志東至海上從其族叔明經敞遊敞故耆
宿漣經其指授數年遂爲知名士及屢試春官僅得一
學博乃歎曰仕貴盡職吾所職者教士耳於是悉心校

課督學孫公嘉其勤未幾卒於任喪歸執紼送者數百人祀其主於遺愛祠

顧晚先字栩香廩監生性警敏博學洽聞遇人作青白眼立談之頃輒成詩句多帶東坡雅謔家貧嗜酒暮年鬱鬱不得志著作甚富惜多散佚

顧聯輝字奎光文學霖子天資穎異弱冠遊庠屢邀房薦道光癸巳學使廖大加獎賞因丁內艱未獲食餼遂絕意進取成就後學得其緒餘皆破壁飛去著詩文全稿題詠雜存四卷年六十五卒子六啟宗繩宗廩生紹宗偉宗辰宗庠生承謙癸酉選拔

吳占鼈字瀛仙生而穎異未冠遊庠三十領鄉薦乙未大

如臯縣續志

卷八

文苑傳

一二十四

挑以教諭用厯署江甯六合借補吳縣訓導出已資葺校舍咸豐辛亥督修

聖廟鳩工庀材籌畫備至年老乞休歸里陶情詩酒不入城市幾二十年以其緒餘嘉惠後學經指授者悉爲知名士同治乙丑重謁泮宮年八十六卒

高金鼈字蓬仙諸生英敏能文三薦不售遂絕意進取以詩酒自娛有紫雪山房詩集行世女四娛題浪淘沙詞云展卷淚潸潸查矣親顏當年詠絮憶承歡堂上揮箋常侍側十歲金鑾 此日付雕刊未忍輕刪刪時容易作時難記得苦吟安一字燭池更闌

范景瑗字蘧仙進士輅孫也道光甲午舉人瑗家世清華

少美丰姿神彩煥發時有玉人之目久之抑鬱不得志
寄情吟詠間爲小詞尤工晚年境益困及銓安東教諭
而已作泉下人矣著有與研齋集十六卷散佚無存
劉本崇字芝山 旌表孝子汝奎次子清詞英辯冠絕一
時秋闈五薦未售以歲貢授上元教諭退歸授徒賦梅
花詩見志兄本初字太璞國學生弟本銳字漁溪邑庠
生俱能文銳尤以詞賦擅名兄弟互相師友鍵關讀書
不預戶外事晚年壘篋唱和修理培園松楸鬱茂培園
者先壟旁之菟裘也邑令范仕義有遊劉氏培園詩載
前續志

劉本寅字鶴船增貢生工書善詩遊袁江十餘年歸後與
如臯縣續志 文苑傳 二一五
邑人士唱酬斧藻詩林人謂其得江山之助著有根餘
偶存鷓鴣館詩集

吳章煥字頡雲 恩貢生性誠樸每構一藝沈思渺慮嘗
獨任修輯家乘歷數寒暑心力交瘁書成旋卒
楊忻字蓉仙庠生品正學優栽培人才出其門者多自愛
士子綬組字佩之歲貢生以詩賦稱於時居家孝友簡
默尤喜培植孤寒如堂弟顯宗堂姪安治皆其所成就
也歿後里人贈品端學邃額

賈漢字虛舟 恩貢生少攻苦夏夜苦蚊蚋納足罌盎中
讀書屢困場屋讀中雋文輒曰吾不如也益刻勵毫無
怨尤意晚年耳失聰猶閉戶著書不倦有國策編年待

梓

嚴純字安瀾諸生幼能文屢薦未售生平慎重交遊不與人爭解紛排難必事息而後已家屢空晏如也子葆成孫桂森俱庠生

錢震字春生諸生天真爛漫不加修飾好議論古今人物口角流沫袞袞不竭作文有奇氣詩賦尤見稱於時卒不得志醉後每書空咄嗟自語年六十餘卒

王宗沂字治源附貢生以律賦見稱得唐人法從學者甚衆興豪善飲飲必醉然循循雅飭不改常度見者知爲有德之士

賈培學字樹人廩監生工書法能文章屢薦不售寄情放
如臯縣續志 卷八 文苑傳 一二十六

達以絲竹自娛而興酣落筆文彩斐然從遊者得其緒餘無不破壁飛去年五十餘卒

王鈞字桂樵生十月父賈歿母石守志教之鈞純篤穎悟家貧事母孝竭力爲母請

旌建坊少補弟子員旋食餼有文名

湯德新字振之廩貢生任句容沛縣甘泉教諭性孝友與人無競接見諸生每以先器識後文藝爲訓生平博聞彊識著桐蔭書屋詩賦集年八十一卒

鄒之城字晴江寄居石港幼失怙事母孝道光乙巳爲母請

旌建坊弱冠遊庠旋食餼咸豐壬子登賢書兩上春官就職

揀選因目疾遂絕意進取而請業者踵相接口講指畫
終日不倦尤以砥名礪行爲子弟誠年五十四卒著有
聊復爾爾軒詩稿

沈檀字雨香幼岐疑弱冠補弟子員食餼循例得教職秉
鐸海門咸豐初元 詔舉孝廉方正邑人僉謂檀堪備
召用以名白大吏達於 朝力辭不就會軍務需餉捐
輸恐後晚歲家中落猶慷慨傾貲人謂有毀家紓難之
風

張烜字春暉居豐利博學多才登嘉慶庚午賢書攻苦彌
篤留京八載辛未會試選中復遣遂無心進取侍親色
養備至天文地理書畫岐黃揅著無不精通不屑以多

如臯縣續志

卷八

文苑傳

二十七

能名爲人敦厚謙和賑飢恤貧人受隱德焉年七十二
卒

沈長庚字芙仙弱冠遊庠旋食餼屢膺房薦援例得教職
署豐縣訓導好讀書不預外事子裕祺庠生

江懋德字立亭庠生性孝友品端學粹有聲影聯吟詩集
咸豐七年重遊泮水李聯琇學使給鬢宮耆瑞額

江懋齡字子香庠生甲午房薦捐職訓導生平才氣豪邁
好獎予後進酒量百壺不醉督修郭公橋及范公隄歲
饑捐賑慷慨解囊工詩文一時傳誦門人寶山蔣金和
感恩詩云風雨不相見名山未報恩文章期後世憂患
託師門綠鬢愁千斛黃花酒一尊平生知己感獨立此

乾坤

嚴紹光字小陵庠生家貧力學年二十一遊庠讀書刻苦竟以瘵疾卒年二十三士林惜之

劉喜淦字曾三舉茂才通經學應鄉試十餘科屢薦未售著有虞易指掌春秋提要詩書禮箋註四六爾雅類聯說文類義性理闡義文論諸書

劉德鳳字巢閣增廣生天性高曠屢試優等與同社創立聖廟灑掃局壽七十九子榆庠生

湯澍字仙舟父世質躬行自勵澍陶淑庭誥澤以問學踰冠以詩賦受知學使大比屢薦嘉慶庚午文爲主司激賞以微疵乙之自是絕意進取乃聚子姪講習一庠推

如臯縣續志

卷八

文苑傳

一二十八

爲鄉祭酒云澍於書無所不覽尤精醫理間博涉星家青鳥家言性剛毅能當大事嘗割沃壤入於庠范廉泉明府書名行高潔額贈之子惠元字玉成內行完備幼習經生家言試屢被乙中年喪偶義不再娶生平取與分明笑言不苟先世諸善舉力繼其美歲暮散米賑乏人無知者重輯家乘著地理真訣孫第庠生

姜春煦字藹人十歲失恃家貧力學夜深欲臥以冷水沃面驚起復讀道光壬午薦而不售以明經終非其志也著有棣萼軒集兄靈煦字晴軒增生工詩古文善書著有雙桂齋集

朱齊彥字碩菴增廣生性孝友入泮後遊崇川姚飛巖孝

廉之門讀書十年歲計科錄靡不冠其儕偶賓興輒報
罷歸里教授孜孜不倦著有桂軒課藝邑令范廉泉慕
其才時召之遊而彥未嘗以非義干也秉性方正慎重
交遊介介然有古君子風年四十五卒遺孤暄之甫五
歲妻汪氏守節撫之遊庠食餼

鄧慶增字益齋增廣生爲文清真雅正屢困場屋好獎掖
後進寒峻者恆飲助之年六十一卒里人公贈惠挹春
風額子二鏞廩生鉞文生

沈鸞字輅春附貢生幼聰慧弱冠遊庠名噪一時屢試省
闈不售道光庚戌委署江甯訓導尋病篤不果

顧河字瑞圖附貢生博綜羣書尤研精理學工書法得其

如臯縣續志

卷八

文苑傳

二十九

片楮珍若拱璧

袁彥升字景之附貢生敦品力學不妄交遊教授生徒成
就甚衆晚年子祖安之官廣東迎養署內旋卒

羅濟亨字敦仁廩貢生讀書以有裨身心爲務學使龔褒
以品學兼優額著四書析義經義類典

張存仁字鋤經未冠遊庠以冠軍食餼爲文根柢經術屢
薦未售年六十八以明經終子瑞鳳字吉人性放達不
羈文如湧泉己亥中副榜考授州判工詩詞精岐黃著
陰陽虛實寒暑表裏辨孫告成庠生

鄭雲程字湘亭文章敏捷善書翰膺丁酉拔萃科幼失怙
事母至孝因侍養遂不復出

陳昞字麗皋歲貢生幼失怙家貧好學與石崇高宋繩治相切劘人有以僻事質者輒娓娓言之而所作詩古文辭一片性靈不事摛搢著榆蔭堂稿子景蕃庠生

錢選字一青 恩貢生文學升子少失怙恃夜侍父靈席與弟霖挑燈讀書每課一藝必踞而焚之事曾祖母沈至孝時沈已年邁朝夕左右非選弗歡也性喜食澹不茗飲客至始設筵清談竟日遇人恂恂如然自守極嚴人不可干以非義爲文從容篤雅不趨時好屢躋省闈及姪士杓出就試喜曰青箱有託矣遂不復提筆入貢士籍年六十五卒弟霖字雨香不事章句學好先儒格言及功過格諸書生平多隱德年四十四卒霖子士杓

如臯縣續志

卷八

文苑傳

三十

同治庚午舉人

湯筠字竹君增廣生少孤事大父孝積學儲寶有用世志皋濱海例不食引鹽牟利者設鹽肆於皋勢岌岌矣筠奮不顧身倡紳耆沮其事未幾筠沒復有謀設鹽肆於丁堰者紳耆憫筠志白之當路事始寢皋之人得不食引鹽者筠之力也子景榕景桐俱庠生

陳鼎字銘功家蓄無絃琴一因以一琴自號弱冠籍諸生讀書負奇氣不屑事章句是時令皋者滇西范廉泉仕義主書院皋比者真州吳梅孫鎧兩公以風雅爲提倡鼎與邑中諸老輩若黃楚橋徐生菴揖讓壇坫間極一時之盛尤嗜金石家貧以質衣得之必折柬召友作竟

日賞興豪善飲遇事難狀者輒以長歌舉之歌已復
飲才氣縱橫有不可一世之概顧終不遇於時鬱鬱得
瘵疾卒著有閑者園詩文集邑人顧汝玉輓以詩云腸
斷成連海上音酸風苦雨怕重吟山河影動文星返牛
斗光寒寶劍沈湖海元龍豪士氣醅醪公瑾古人心前
身明月今流水一束生芻感不禁十載交情曠代才單
丁門戶兩遺孩已憐展獲無妻誅尙說郗超有父哀三
十男兒真短折一時行路也心摧紙窗竹屋依然在今
日招魂我獨來金陵兩度感飄蓬布襪青鞵許我同驢
背詩魂馱細雨石麟墓道卧秋風名場况味深嘗蠟泥
雪前因亂指鴻此日重重思往事輕雲回首月明中十
日前尋舊雨情下牀扶病暗吞聲身如枯樹心先死瘦
到梅花骨尙清此別早知成永訣重逢祇好望來生卻
憐遺稿如殘葉飄落誰收死後名

陳士選字簡亭增廣生捐職訓導英姿卓犖文章名貴童
試冠軍歲科試屢列前茅省試三薦未售年五十四卒
秦栻字吉堂歲貢生弟杓字西垣 恩貢生世承家學時
人比之兩到雙丁屢薦不售家居設教一時負文譽掇
科名者多出其門暇則花間布席詩酒聯歡杻子濤孫
煥鼎杓子炳奎耀奎俱遊庠
章衢字雲路歲貢生性聰慧著有浣花書屋詩鈔課藝二
集所居潘涇民俗獷悍衢以身教頗能化其鄉人

賈縉元字望雲增貢生少遊薛孟田先生門孟田名宗文
增廣生博覽羣書屢試高等縉元傳其學尤精熟盲左
一試秋闈薦而不售遂無心進取友教四方聞名者爭
厚聘焉性落落寡偶事母極孝母年九十餘視膳問寢
依依孺慕晚年取幼習經書日誦一 可以知其志趣
矣年七十餘卒

顧汝玉字吟石壬子順天舉人幼慧年 補弟子員於
書無不究天文地理陣法句股下至醫卜奇門命相陰
陽家言咸涉獵通曉劉太史熙載 爲文壇飛將同里
黃大令兆奎目爲文虎下第留 都以 習例用知縣
不就歸里杜門不出益肆力於古著崇禮論以維世後

如臯縣續志

卷八

文苑傳

三十一

學宗焉先是其父家騏諸生清廉公正每以功過格自
勵汝玉承家學砥行立名終身不懈著有雙桂軒詩古
文若干卷告災行云旱魃 稔傷我田禾農夫罄罄
歎欲泣不得作爲哀歌事 於今五月井無寸波
井無寸波於今五月 種蕎麥上田種繅
黍火中種穀知其不可我 雨天不雨飛蝗如
雨天不仁助之羽我尙不 何哺蝗不語殘其
根食其槁櫓田中更何有有片土 貴如金水貴如澍
買米市頭實不持一錢市人搖手去爾何老大不識事
誰爲爾債王爾何老大不識事誰爲爾債主空手歸
空釜婦歎於室兒嘯於戶奸人誘以利彼富不仁倉有

餘粟與往取死於溝壑誰憐汝姑試之眼前瘡良可補
縣令怒縣令怒鐵鎖銀鐺大索四境糾首亂者首亂者
誰巧者逃竄愚者罹網罟我欲訴之大令大令不許我
欲訴之蒼天天遠不可覩國法如此爾死爾自取爾不
死於溝壑而死於囹圄淒淒楚楚言之傷心不言難已
四座莫聽我言止此作此詩者吟石顧子東海之鄙士
陳雯字錦亭文學佩芬子性孝友恭儉與物無忤年十七
遊庠旋食餼辛亥舉於鄉春闈薦而未售援例得教職
未及選卒年三十七雯清瘦玉立風神秀朗幼聰慧嗜
讀家人靳不與潛發篋得書就帳中讀之長益善治經
讀易深究虞鄭諸說讀春秋至咯血不止學使者皆重

如臯縣續志

卷八

文苑傳

三十三

其經術著有詠篁軒詩文集子國璋廩生

丁寅字翼清沈靜寡言構文有精思白海峯先生 皋時

課士勤暇輒延知名士樽酒論文獎掖甚至寅與焉未
幾同人聯翩起而寅荏苒餼廩間晚年善病未及貢而
卒

顧漣字漪泉少受業程星溪先生門讀書刻苦生平寡言
笑罕交遊日橫一經無他嗜好年近三十始遊庠未幾
卒子西書有聲鬢序人謂漣續學之報

范咸字韶九諸生少受知於州牧何公拔冠一軍因益自
奮羅集諸大家博觀約取而復規合於時同里陳樹穀
吳之俊俱以制藝雄視一時獨心折於咸謂其精思厚

力無以過也與人交無城府酒後清言霏屑間以詼諧
人咸樂與之遊顧其中常若有不自得者未幾卒貧而
無子士林傷之

吳之俊字見三諸生性孤介喜聚書丹黃弗輟尤邃天官
家言詩古文辭不詭於俗然不多作嘗曰讀書當爲有
用之學如不得志十年後著書未爲晚也無何以疾卒
年僅三十二友人蔣元亮收其遺稿得詩一卷冬雷篇
云急雨瀉如注大聲西南來震驚及百里貫耳紛疑猜
歸妹屬八月造化胡爲哉前年立夏雪白骨江南哀恆
寒變恆燠天地相睽乖災祥不空見何者是禍胎方今
盛符瑞萬物懷春臺河清鳳凰鳴海波無風霾日月且

如臯縣續志

卷八

文苑傳

三十四

合璧豐隆奚能災或者今年冬陽炕孤陰埋鬱促成霹
靂豁然寒門開不則有奇變管窺未可推寄言當事人
努力謀挽回挽回夫如何聽我談時事溝澮受江河大
有淪胥勢罷民迫迫呼漸苦身家贅今歲尙有秋薪米
已珠桂江南金粉餘易種恣奢麗錦繡被牆壁笙歌娛
夢寐陋俗壞人心風氣坐凋敝此豈能久長况又見災
異我聞趙人號生毛徧大地今冬桃李華木妖更爲崇
天威縱難測人禍何由避或恐阿香車先期兆乖戾却
笑古杞人獨爾憂天墜李小湖學使題其遺集云精進
竿頭正課功煥然鼉采旭升東雙金比價何曾貢一曲
專場忽已終夜有七時償晝短死而千古挽生窮良朋

忍淚編殘稿營血迷茫敗麓中蔣元亮爲之誄云士無窮達觀其志尙巖巖吳子邦家之望英華方煥畀年始壯君子所依天實不貺累葉不光孕其令德篤生君子大車有輕幼爲世異長爲民特兀兀窮年未見其息祿養是願無仕則弔鎖院沈邃光輝玉照縣尹郡牧不知所好戰則三北中心是悼桓桓宜黃席上是珍皎皎臨川羽儀是振奮子逸足謂當絕羣位不副德屈而不信予以孤露造此瑰奇異書枕秘藜杖宵吹味道之腴有旨其辭五色成章被於素絲常厭俗學謂不可資追維古訓以培其基不鄙謂我趨向同之顧余蹇弱中道而疲兼人之進君實不羈臣之質死道絕於斯嗚乎哀哉

邦人之彥畢爲君友人_之有善曰若已有宏獎風流不絕於口服君之德旣醉醕酒惟彼泰山不讓土厚君之虛懷括囊而受下問不恥循循善誘德音永絕疇爲之偶昔者之勤會意忘倦把卷高詠忽焉申旦木客窺窗請張爲幻苟有屬和鬼物何患念子在郡異書甫致喜見顏色告我以意卒業未能子疾誰治請徵蓼莪余將是廢嗚乎哀哉神將奪人天道不顯曰有先幾知其不免三歲爲期巫陽則遣懼不敢占妖夢是踐嗚乎哀哉世人之傷謂子無後猶子子之以奉君婦何必所生然後克負耿耿元精子則不朽惟哀有盡惟情有至昆弟朋友久焉况瘁斂子遺文後死之義誄以遣哀請俟嘉

諡嗚乎哀哉

蔣元亮字步陶廩生好古博聞初不喜時藝及屢躋名場始攻舉業而思筆超邁迥絕恆蹊蓋其資稟有過人者遇人極恭謹然性天高曠不可一世弱冠失偶遂不娶年三十一卒著有拜經堂詩文集其古文廉悍雅近柳州

吳應辰字樞卿父葆頤幕遊山左越數月應辰生母范氏依外家撫育之幼聰慧讀書日數十行八歲能屬文弱冠以詩賦受知督學孫公遊庠食餼人咸以大器目之應辰恂恂然無以加也甲子省試房薦未售父訃音旋自陝至未幾復丁祖亮憂母范氏清羸善病朝夕需人

如臯縣續志

卷八

文苑傳

三十六

應辰內外交迫年二十三遂卒才而不壽惜哉

黃方漣字文若成均士也弱冠始奮發讀書刻苦過人長身玉立性極溫雅每文酒之會同人高談傾座而方漣恂恂如也至論古事原原本本所著皋乘拾遺一書採百餘家言斷以己意得作史之法詩古文辭俱有法度年未四十卒士論惜之